

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRAČANICA  
OPĆINSKI NAČELNIK

Broj: 02-28-3347-6/2015  
Gračanica, 15.12.2015. godine

Na osnovu člana 70. Zakona o javnim nabavkama ("Sl. glasnik BiH", broj: 39/14) i člana 36. Statuta Općine Gračanica-Prečišćeni tekst ("Sl. glasnik Općine Gračanica", broj:4/09),  
Općinski Načelnik d o n o s i

**O D L U K U**  
o rezultatima postupka javne nabavke

„SAGRA” DOO Gračanica, kao odabranom ponuđaču čija je ponuda ocijenjenakao najpovoljnija, dodjeljuje se ugovor za nabavku radova „Nabavka radova: građevinski i zanatski radovi na uređenju PKSC “Bazen”

**O b r a z l o ž e n j e**

U postupku javne nabavke: „Nabavka radova: građevinski i zanatski radovi na uređenju PKSC “Bazen” koji je proveden po otvorenom postupku; objavljenog na portalu JN, broj obavještenja o nabavci sa Portala javnih nabavki: 720-1-3-25-3-24/15 od 12.11.2015.godine i “Sl.glasniku BiH”, broj: 87/2015 od 16.11.2015. godine; evidencijski broj nabavke: 02-28-3347-2/2015, prijavila su se četiri ponuđača što je vidljivo iz Zapisnika sa otvaranja ponuda i to: “ALIBEGOVIĆ PLAST” DOO Gračanica, “DINALSA” DOO Sarajevo, “SAGRA” DOO Gračanica i “TEHNA” DOO Gračanica.

Komisija je na zatvorenom sastanku izvršila pregled formalne i tehničke usklađenosti ponuda i zaključila da sve pristigle ponude ne zadovoljavaju sve formalne uslove i uslove tehničke usklađenosti, odnosno formalno i/ili tehnički sve ponude nisu prihvatljive.

Naime, utvrđeno je da je ponuda ponuđača „ALIBEGOVIĆ PLAST“ DOO Gračanica neispravna i neusklađena, jer ponuđač nije dostavio kopiju ponude, ponudu nije uvezao niti numerisao, što znači da nije postupio u skladu sa tačkom 15. tenderske dokumentacije, kojom je između ostalog navedeno i slijedeće:

***„ Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.***

***Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numeríše. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numeríšu dodatno.***

***Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se***

**bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.**

**Ponuđači dostavljaju original i kopiju ponude. Kopija ponude se dostavlja zajedno s originalnom ponudom. U tom slučaju se jasno naznačava »original« i »kopija« ponude. U slučaju razlika između originala i kopije ponude, vjerodostojan je original ponude“.**

Ovaj ponuđač nije postupio ni u skladu sa tačkom 19. tenderske dokumentacije kojom je između ostalog navedeno i slijedeće:

**„Cijena ponude obuhvata sve stavke iz obrasca za cijenu ponude“.**

Ponuđač „ALIBEGOVIĆ PLAST“ DOO Gračanica je dostavio nepotpun predmjer i predračun radova, odnosno nije popunio ni jedinične cijene niti ukupne za dijelove 1., 2., 3., 4. i 5. iz Predmjera i predračuna radova.

Ponuđač „ALIBEGOVIĆ PLAST“ DOO Gračanica nije postupio ni u skladu sa tačkom 14. tenderske dokumentacije kojom je, između ostalog navedeno i slijedeće:

**„Obrazac za ponudu sa Izjavom, (Spisak dostavljenih dokumenta potrebno uraditi ili dopisati u tekstu ispod Izjave) –Aneks - Prilog 2“.**

Ovaj ponuđač je propustio da dostavi traženi popis dokumenata koje dostavlja.

Nadalje, ovaj ponuđač je u Prilogu 8. - Povjerljive informacije, naveo da su cijene koje je ponudio povjerljive, što je u suprotnosti sa Zakonom u kojem se navodi da cijene ni u kojem slučaju ne mogu biti povjerljive.

Daljom analizom, utvrđeno je da je ovaj ponuđač propustio da uopće dostavi Prilog 11. koja je sastavni dio tenderske dokumentacije, I trebala je da bude dostavljena uz ponudu.

Nadalje, ponuđač „ALIBEGOVIĆ PLAST“ DOO Gračanica u svojoj ponudi nije dostavio ni Izvještaj Centralne banke, što je u suprotnosti sa tačkom 13.2.2. tenderske dokumentacije, gdje je između ostalog navedeno (da je ponuđač dužan u svojoj ponudi dostaviti) i slijedeće:

**“Izvještaj Centralne banke BiH ili odgovarajuće institucije (za ponuđače koji su izvan BiH) koji daje stanje računa ponuđača. Izvještaj ne smije biti stariji od tri mjeseca od dana predaje ponude.“**

Ovaj ponuđač nije dostavio ni Spisak izvršenih ugovora, niti potvrdu o dobro izvršenom poslu, što je u suprotnosti sa tačkom 13.3.2. pod a) tenderske dokumentacije, u kojoj je, između ostalog navedeno (da je ponuđač dužan u svojoj ponudi dostaviti) i slijedeće:

**„spisak izvršenih ugovora - kojim se dokazuje iskustvo u izvođenju radova u skladu sa zahtjevima navedenim u članu 13.3.1., a uz potvrdu o uredno izvršenim Ugovorima koju daje druga ugovorna strana o njihovoj realizaciji u skladu sa Zakonom.“**

Ovaj ponuđač nije dostavio ni traženo tačkom 13.3.2. pod b) tenderske dokumentacije, u kojoj je, između ostalog navedeno (da je ponuđač dužan u svojoj ponudi dostaviti) i slijedeće:

**- izjavu o obrazovnim i profesionalnim kvalifikacijama rukovodnog osoblja koji su angažirani na obavljanju predmetnih radova, a koji ne moraju biti stalno zaposleni kod ponuđača;**

**- spisak uposlenih/angažiranih ljudi za radove koji su predmet nabavke uz izjavu izvođača radova o prosječnom godišnjem broju zaposlenih i broju rukovodećeg osoblja u posljednje tri godine.“**

Zbog svega navedenog, ponuda ponuđača „ALIBEGOVIĆ PLAST“ DOO Gračanica se isključuje iz dalje procedure.

Ponude ponuđača “DINALSA” DOO Sarajevo, “SAGRA” DOO Gračanica i “TEHNA” DOO Gračanica u potpunosti zadovoljavaju sve formalne i uslove tehničke usklađenosti, odnosno samo njihova ponuda je tehnički prihvatljiva i dostavili su sve tražene dokumente.

Ponuda "SAGRA" DOO Gračanica ocijenjena je kao najuspješnija-najpovoljnija, jer je za nabavku radova „Nabavka radova: građevinski i zanatski radovi na uređenju PKSC "Bazen", ponuđena najniža cijena u iznosu od 167.057,27 KM bez PDV-a i sa uračunatim popustom od 3%, **odnosno 195.457,00 KM sa PDV-om I sa uračunatim popustom od 3%.**

Izabrani ponuđač "SAGRA" DOO Gračanica obavezan je u roku od 10 (deset) dana od dana dostave Odluke o izboru dostaviti slijedeće dokumente (u skladu sa tačkom 12. tenederske dokumentacije, u kojoj se navodi):

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku jeobustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

**Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom .** U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 10 dana od dana zaprimanja obavještenja o rezultatima ovog postupka javne nabavke. **Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.**

Ukoliko ponuđač dostavlja ovjerene fotokopije traženih dokaza, ovjere istih ne smiju biti starije od tri mjeseca, računajući od momenta predaje ponude.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

U navedenom roku od 10 (deset) dana od dana dostave Odluke o izboru, izabrani ponuđač je dužan dostaviti (u skladu sa tačkom 13.3.2.) i:

**(ovjerene fotokopije diploma, uvjerenje o položenom stručnom ispitu, radna knjižica), i to za dipl.ing.građevine.**

Takođe, ponuđač "SAGRA" DOO Gračanica je u obavezi da u skladu sa tačkom 28. tenderske dokumentacije dostavi i Garanciju za uredno izvršenje ugovora koja se predaje u roku od 7 dana od dana zaključivanja ugovora.

Ponuđač "SAGRA" DOO Gračanica čija je ponuda najpovoljnija u skladu sa kriterijumom „najniže cijene“ i s kojim će se sklopiti ugovor za predmetne radove, biće u obavezi da dostavi tražene dokumente prije sklapanja ugovora, **uz napomenu da datum izdavanja navedenih uvjerenja ne smije biti stariji od tri mjeseca u odnosu na datum dostavljanja ponude.**

UPUTA O PRAVNOJ ZAŠTITI:

Protiv ove Odluke može se u roku od 10 (deset) dana od dana prijema Odluke izjaviti žalba. U skladu sa članom 99., stav 1. Zakona o javnim nabavkama, Žalba se izjavljuje ugovornom organu u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom.

Dostavljeno:

"ALIBEGOVIĆ PLAST" DOO Gračanica,  
"DINALSA" DOO Sarajevo,  
"SAGRA" DOO Gračanica,  
"TEHNA" DOO Gračanica,  
a/a

OPĆINSKI NAČELNIK

**Nusret Helić**